



Broj: 05-4222-4/17

Sarajevo, 28. 11. 2017. godine

Na osnovu člana 64. stav (1) tačka b) i člana 70. stavovi (1), (3) i (6) Zakona o javnim nabavkama („Službeni glasnik BiH“, broj 39/14), člana 8. stav 2. tačka d) Pravilnika o uspostavljanju i radu Komisije za nabavke („Službeni glasnik BiH“, broj 103/14) i člana 22. Statuta Agencije za bankarstvo Federacije BiH („Službene novine Federacije BiH“, broj 42/04), a na preporuku Komisije iz Zapisnika o pregledu i ocjeni ponuda, broj 05-4222-3/17 od 27. 11. 2017. godine, u postupku javne nabavke informatičke opreme za potrebe Agencije za bankarstvo FBiH, direktor Agencije donio je

ODLUKU

o izboru najpovoljnijeg ponuđača u postupku nabavke robe

I.

Prihvata se preporuka Komisije za nabavke iz Zapisnika o pregledu i ocjeni ponuda, broj 05-4222-3/17 od 27. 11. 2017. godine i ugovor za javnu nabavku informatičke opreme za potrebe Agencije za bankarstvo Federacije BiH dodjeljuje se privrednom subjektu „Time Code“ d.o.o. Sarajevo, kao najbolje ocijenjenom ponuđaču po predmetnom postupku nabavke.

II.

Ukupna vrijednost ugovora iz tačke I. ove odluke bez uračunatog poreza na dodanu vrijednost (PDV), iznosi 65.944,00 KM.

III.

Ugovorni organ dostavit će na potpis izabranom ponuđaču prijedlog ugovora o nabavci robe iz tačke I. ove odluke, u skladu s članom 72. stav (1) Zakona o javnim nabavkama.

IV.

U skladu s članom 70. stav (6) Zakona, ugovorni organ objavit će ovu odluku na svojoj internetskoj stranici www.fba.ba, istovremeno s upućivanjem iste ponuđačima koji su sudjelovali u ovom postupku.

V.

Ova odluka stupa na snagu danom donošenja i dostavlja se ponuđačima koji su sudjelovali u postupku javne nabavke, saglasno članu 71. stav (2) Zakona.

O B R A Z L O Ž E N J E

Odlukom o pokretanju postupka javne nabavke informatičke opreme, broj: 05-4222/17 od 30. 10. 2017. godine, odobreno je provođenje postupka javne nabavke predmetne robe za potrebe ugovornog organa. Javna nabavka provedena je putem otvorenog postupka nabavke, a kriterij za dodjelu ugovora je najniža cijena tehnički prihvatljive ponude. U skladu s članom 35. Zakona, Obavještenje o nabavci broj: 3010-1-1-276-3-41/17 objavljeno je na Portalu javnih nabavki 02. 11. 2017. godine. Procijenjena vrijednost nabavke utvrđena je u iznosu od 85.000,00 KM – bez poreza na dodanu vrijednost (PDV).



U skladu s Odlukom ugovornog organa imenovana je Komisija za javne nabavke, kojom su definisane njene nadležnosti, koje uključuju poslove otvaranja, pregleda i ocjene ponuda, te davanje preporuke za odabir najpovoljnije ponude.

Slijedom navedenog, Komisija je u okviru svojih nadležnosti i ovlaštenja provela predmetni postupak nabavke, te o tome sačinila Zapisnik o pregledu i ocjeni ponuda u kojem je utvrđeno da je po predmetnom postupku nabavke evidentirano pet pravovremeno pristiglih ponuda.

Na osnovu izvršene analize i ocjene pristiglih ponuda u pogledu kvalifikacijskih i cjenovnih uslova nadmetanja, Komisija je utvrdila:

- da ponude ponuđača R&S“ d.o.o. Sarajevo, „Elur“ d.o.o. Kiseljak, „Time Code“ d.o.o. Sarajevo i „Rebus“ d.o.o. Sarajevo ispunjavaju sve uslove i zahtjeve iz tenderske dokumentacije, pa su ocijenjene kao prihvatljive za ugovorni organ u predmetnom postupku nabavke,
- da se ponuda ponuđača „Digitarija“ d.o.o. Sarajevo odbacuje na osnovu člana 68. stav (1) Zakona, iz razloga što navedeni ponuđač nije ispunio zadane uslove i zahtjeve iz tenderske dokumentacije.

U ponudi navedenog ponuđača evidentirana je slijedeća nepravilnost:

- ponuđač nije ispunio minimalne uslove za kvalifikaciju navedene u poglavlju 3. (Uslovi za kvalifikaciju ponuđača), tačka 3.2 (Ekonomska i finansijska sposobnost – član 47. Zakona), tako što nije dostavio dokaze, odnosno bilanse uspjeha koji su ponuđači bili dužni dostaviti za posljednje tri finansijske godine;

Navedeno odstupanje u suprotnosti je sa zadanim uslovima iz tačke 3.2. Ekonomska i finansijska sposobnost, podtačka c).

U skladu s navedenim, izvršeno je rangiranje ponuda prema kriteriju za dodjelu ugovora, kako slijedi:

Redni broj	Ponuđači	Ukupna cijena, bez PDV-a
1.	Time Code d.o.o. Sarajevo	65.944,00 KM
2.	Rebus d.o.o. Sarajevo	66.858,20 KM
3.	R&S d.o.o. Sarajevo	68.384,16 KM
b4.	Elur d.o.o. Kiseljak	70.007,00 KM

Uvidom u priloženu dokumentaciju vidljivo je da je izabrani ponuđač „Time Code“ d.o.o. Sarajevo najbolje ocijenjen u predmetnom postupku javne nabavke na osnovu zadanih kvalifikacijskih i cjenovnih uslova nadmetanja, pa je Komisija dala preporuke da se istom, saglasno članu 69. stav (1) tačka a) Zakona, dodijeli ugovor za nabavu predmetne robe.

Pri donošenju ove odluke posebno su cijenjene činjenice da je Komisija pravilno i potpuno izvršila ocjenu kvalificiranosti ponuđača te provela postupak otvaranja, pregleda i ocjene dostavljenih ponuda, u skladu s kriterijima iz tenderske dokumentacije.

U postupku ocjene provedenog postupka ocijenjeno je da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom, podzakonskim aktima i tenderskom dokumentacijom.

Uvažavajući sve navedeno, primjenom člana 64. stav 1. tačka b) i člana 70. stavovi 1., 3. i 6. Zakona o javnim nabavkama, člana 8. stav 2. tačka d) Pravilnika o uspostavljanju i radu Komisije za nabavke i člana 22. Statuta ugovornog organa, odlučeno je kao u tački I. ove odluke



POUKA O PRAVNOM LIJEKU:

Protiv ove odluke može se izjaviti žalba Ugovornom organu – Agenciji za bankarstvo Federacije BiH, najkasnije u roku od 10 (deset) dana od dana prijema ove odluke, saglasno članu 97. i 101. Zakona. Žalba se izjavljuje Uredu za razmatranje žalbi/Kancelariji za razmatranje žalbi – Filijala/Podružnica Mostar, putem ugovornog organa, u pisanoj formi, direktno ili preporučenom poštanskom pošiljkom. Žalba se podnosi u najmanje 3 (tri) primjerka.


DIREKTOR
Jasmina Mahmuzić

Dostaviti:

- svim učesnicima u postupku
- a.a.